

藤陰雜記



K291/19

〔清〕
戴
璐


藤
陰
雜
記

北
京
古
籍
出
版
社

首都师范大学图书馆



20897064



897064

〔清〕戴 璐

藤陰雜記

北京古籍出版社出版

北京崇文門外東興隆街五十一號

新華書店北京發行所發行

一九八二年十月

定價 每冊伍角伍分

書號：一一二零五·一三

出版說明

清人戴璐的《藤陰雜記》，是一部記載清代北京的掌故舊聞、名勝古迹、風土習俗的筆記。

戴璐，字敏夫，號藤塘，一號吟梅居士，浙江歸安人。乾隆二十五年舉人，二十八年進士。歷官都察院給事中、太僕寺卿。輯著有《國朝六科漢給事中題名錄》、《國朝湖州府科第表》、《吳興詩話》、《藤陰雜記》等。

《藤陰雜記》十二卷。卷一至卷四，雜記清代掌故、衙署舊聞；卷五至卷十二，分別記載清代北京五城（中城、東城、南城、西城、北城）以及郊垆的里巷瑣聞、名人軼事、名勝古迹、園林寺觀。在序言中，作者自敘：「嘗閱王漁洋偶談、筆記等書，思欲續輯。於是目見耳聞，隨手漫筆。及巡視東城，六街踏徧，凡琳宮梵宇，賢踪名蹟，停車諮訪，筆之於書。」後來在重加刪定時，又將書內凡「見《舊聞考》、《宸垣識略》已載者，悉去之。」通觀本書所記，限於北京一地，不似王士禛《池北偶談》、《香祖筆記》那樣題材廣泛。

這裏需要向讀者說明的是，清代的北京城區，以前三門爲界，劃分爲內城和外城。前三門以南爲外城，以北爲內城。在清代，北京的內城和外城，又各自分爲中、東、南、西、北五城。按清人吳長元《宸垣識略》卷一「建置」之末，有吳氏的按語：「本朝五城，合內外城通分。」以下依次詳述了

內外城五城的具體轄境，界限分明。本書卷六：「北城有梁家園，空曠平原，並無烟水。」卷九：「怡園跨西北二城，爲宛平王文靖公第。」按梁家園在虎坊橋北，怡園在南橫街南半截胡同口，兩地均在今天的宣武區管界，北京人習慣稱這裏爲南城，是總括內外城而言。因爲外城在內城之南，故曰南城。如以外城而論，梁家園與南半截胡同口，恰好位於外城的北隅和西北之交。所以本書有「北城」「跨西北二城」之語。本書卷五至卷十二之首所標的五城，從內容上看，記載的則是北京外城的五城。由於作者以浙江人作京官，久居宜南，對於外城的里巷故實，文人軼事，耳熟能詳，筆之於書，自然翔實可信。如本書所記慈仁寺訪書，崇效、法源二寺看花，金魚池金臺書院，北京戲館盛行秦腔，以及外城的園林第宅，古迹名勝，等等，都是從事研究北京史事者所常援引的資料。這是本書的特點，也是本書的精華部分。

本書的另外一個特點是詩話意味較濃，但不是鍊字琢句，揚推藝文，而是以詩存事，風土掌故藉以流傳。卷五記：「金魚池西精忠廟，祀岳忠武……土塑秦檜，以煤炭燔之至盡，曰燒秦檜，蓋仿火判之形也。」並附錄時人咏火判的詩，有「裝點鬚眉異壙工，鼻頭出火耳生風」之句，極爲生動地描繪出燒火判的情狀。燒火判一事在北京史籍中是很少提到的。同卷還提到王士禛戲贈友人程可則詩：「趨朝夜永未渠央，聽鼓應官有底忙。行到前門門未啓，轎中端坐喫檳榔。」並說「昔正陽門專許與人，車不准行，時京官無一乘車云」，京官風尚、清初制度，均可窺見一斑。

本書前四卷所記掌故舊聞，如考場的面貌、京官的生活，可以了解清代北京社會的某些側面，

又由於作者久在都察院任職，書中有關都察院御史、給事中的記載，也是很好的史料。

下面談談本書的某些不足之處。

如前所述，本書的特點之一，是卷五至卷十二記載北京外城的五城故實。那麼，相對說來，對於北京內城五城的記載闕如，就是本書的不足之處了。本書的前四卷雖偶有涉及內城的記述，但和卷五以後的記載全爲外城的故實相比，就顯然有偏枯之感了。另外，本書有幾處談到正陽門關帝廟籤的靈驗，宣揚了唯心主義宿命論的思想，這是應當批判的。

本書所引的詩文，均未核對原著，請引用時留意。

本書有清嘉慶原刊本、光緒三年重刊本、一九一五年王文濡輯《說庫》石印本、一九二五年瞿穎輯《北京歷史風土叢書》石印本。

本書由石繼昌同志標點、校閱。以光緒三年重刊本爲底本，參照其他版本整理而成的。

敘

余弱冠入都，留心掌故，嘗閱王漁洋偶談、筆記等書，思欲續輯。於是目見耳聞，隨手漫筆。及巡視東城，六街踏徧，凡琳宮梵宇，賢踪名蹟，停車諮訪，筆之於書。甲寅讀禮閒居，重加芟削，見舊聞考、宸垣識畧已載者，悉去之，彙存十二卷，固不若說鬼談狐，令人聽而忘倦也。寓移槐市斜街，固昔賢寄迹著書地，院有新藤四本，漸次成陰，恆與客婆娑其下，爰仿漁洋香祖之例，卽以名之。嘉慶丙辰陽月，吟梅居士戴璐。

藤陰雜記卷一

吟梅居士

王弇洲及徐應秋玉芝堂談薈，俱記有明盛事。王漁洋池北偶談、香祖筆記，載止康熙中葉。今將本朝盛事續錄於左。

父子大拜：桐城張文端公英，次子文和公廷玉，常熟蔣文肅公廷錫，子文恪公溥，無錫嵇文敏公曾筠，子文恭公瑣。父子一品：商邱宋文康公權大拜，子學吏部尚書，海寧陳清恪公統禮部尚書，子文勤公世倌大拜；錢塘徐文敬公潮吏部尚書，子文穆公本大拜；諸城劉文正公統勳大拜，子塘今吏部尚書大拜；富陽董文恪公邦達禮部尚書，子諤今戶部尚書大拜。

父子兄弟九列：桐城張文和公弟廷璣戊戌榜眼禮部侍郎，廷璣工部侍郎，文和子若霖、若澄俱內閣學士，若淳刑部侍郎；靜海勵文端公杜勳刑部侍郎，子文恭公廷儀刑部尚書，孫宗萬刑部侍郎；錢塘徐文穆公弟杞甘肅巡撫，子以烜禮部侍郎；武進劉文定公綸大拜，子灝雲禮部侍郎；休寧汪文端公由敦吏部尚書，子承需戶部侍郎；嘉興錢文端公陳羣刑部侍郎加尚書銜，子汝誠戶部侍郎；溧陽史文靖公貽直大拜，子奕昂兵部侍郎；蔚州李旭升吏部侍郎，子周望禮部尚書；陽城田文端公從典大拜，子懋吏部侍郎；錢塘梁文莊公詩正大拜，子敦書工部侍郎；臨川李紱戶部侍郎，孫友棠工部侍郎；安溪李文貞公光地大拜，孫清植禮部侍郎，曾孫宗文工部侍郎；南昌熊一瀟工部尚書，孫學鵬兵部侍郎；廣昌魏方泰刑部侍郎，子

定國吏部侍郎；常熟蔣文恪公子撫兵部侍郎，賜榮戶部侍郎；大興黃叔琳吏部侍郎，子登賢漕運總督；海豐吳紹詩禮部尚書，子垣吏部侍郎，壇同時爲刑部侍郎；涪州周文恭公撫兵部尚書，子與岱禮部侍郎；光州胡文良公撫禮部侍郎，子季堂刑部尚書，桐城方恪敏公觀承直隸總督，子維甸副都御史。若八旗名臣碩輔，恒出一門，史不勝書，未敢率記。

兄弟翰林同時九列：前則崑山三徐、華亭三王，已見池北偶談。今則南匯吳省欽工部侍郎、省爾內閣學士，滿洲鐵保禮部侍郎、玉保吏部侍郎。

同胞三及弟：崑山徐氏而後，惟武進莊存與乙丑榜眼，弟培因甲戌狀元。

同邑一榜及第：康熙己未榜眼孫卓、探花茹薦俱宣城人；壬辰狀元王世琛、探花徐葆光俱長洲人；

乙未狀元徐陶章、榜眼繆日葵、會元傅臚李錦俱蘇州人；雍正庚戌狀元周雷、探花梁詩正，俱錢塘人；

乾隆壬戌榜眼楊述曾、探花湯大紳俱武進人；乙丑狀元錢維城、榜眼莊存與俱武進人。

翁婿狀元：彭大司馬啟豐丁未狀元，婿莊培因甲戌狀元；金少宗伯姓壬戌會狀，外孫汪如洋庚子會狀。

鼎甲三人同時八座：康熙癸丑狀元韓大宗伯文懿，榜眼王大宗司農鴻緒，探花徐侍郎秉義；乾隆乙丑狀

元錢少司寇維城，贈尚書，諡文敏，榜眼莊少宗伯存與，探花王大宗司農際華，越十餘年，會元蔣少司馬元益，以侍御

歷侍郎，一時稱盛。文敏未幾卒於家，文莊師卒於位，莊公休歸卽卒，獨蔣少司馬年八十餘。

乾隆丙辰，榜眼黃孫懋五年卽擢閣學而卒，探花秦大司寇憲田，諡文恭，狀元金總憲德瑛，傳臚蔡中堂新，二

甲二名曹大宗伯秀先，諡文恭，俱官一品。金、秦俱六十外卒，漳浦以宰輔致仕，十年，重宴鹿鳴，年已九十。

祖孫父子同科：江西奉新甘莊恪汝來官巡撫時，父萬達、弟汝達、子禾雍正丙午同舉於鄉。封公後官知縣，不受冢宰封誥，亦奇。

父子同登進士：乾隆己未，烏程費瀛，子蘭先；甲戌嘉善周翼洙，子升桓；辛巳大興邵自鎮，子庚曾。前此未查。若父子同科及同胞同舉尚多，不及錄。

同胞同登進士：順治丙戌膠州法若真、若貞，己丑烏程姚延啟、延著，康熙丁未宜興儲方慶、善慶，庚戌福山鹿廷瑛、廷璋，丙辰歸安沈涵、三曾聯名人翰林；己丑長洲張學庠、學賢，大興黃叔琬、叔璫，乙未長

洲李錦、文銳；乾隆丁巳歸安潘汝誠、汝龍，戊辰涿州劉湘、洵，己丑山陰沈詩李、詩杜本學生，壬辰咸寧賈策安、策

治，戊戌大興邵自昌、自悅，丁未靈石何元煥、道生，乙卯吾郡王以鎔中會元，第二名卽胞兄以衡，廷對狀元，則前此所未有；嘉慶丙辰南昌許庭椿、應嚆同胞三同甲，康熙辛丑宜興儲大文會元，弟郁文、雄文同榜。

同胞五登甲科：大興金澍、溶、潢、洪、潛，門懸五子登科額；同年邵楚帆侍御自昌，弟自華、自悅、自本、自和、自興，自彭則六正榜一副榜；代州馮履成、履泰、履謙、履豫、履豐，亦同胞。

祖孫會狀：康熙丙辰彭定求、雍正丁未彭啟豐，亦無繼者。

父子鼎甲：溧陽任蘭枝癸巳榜眼，子端書丁巳探花；鎮洋汪廷璵戊辰探花，子學金辛丑探花。

己亥江南解元錢榮辛丑會狀，翁閣學作三元詩，德定圃師和韻。趙雲松翼作三元考，謂唐張又新、崔元翰，宋孫何、王會、宋庠、楊真、王巖叟、馮京，金孟宗獻，元王宗哲，明商輅，及錢而十二。

重赴瓊林：康熙己未趙執信、王材任，俱於乾隆己未稱前後同年，辛未黃侍郎叔琳、庚辰史文靖、丙戌熊編修本、庚戌嵇文恭亦然，丙辰蔡中堂未及來京。

王文恭公頊齡，舉康熙癸卯鄉試，雍正癸卯重赴鹿鳴，作公宴詩。黃侍郎庚午重赴，即次其韻，辛未又次韻。重赴鹿鳴：康熙丁酉侯官鄭開極、乾隆丁卯錢塘周天相、丙子歸安吳大偉、壬午永福黃任、甲午霸州孟琇，近年己酉科雲南賽典年九十二，浙江吳編修嗣富，壬子福建三人：大學士蔡新年八十六，陳材年八十八，邱理德年八十三，湖北御史萬年茂前壬子解元，年八十六，湖南石鵬騫年八十一，譚昌明年八十六，曾寓四川營，補令山西，乙卯馮侍御浩以丙辰舉人，年七十七，奏請預宴，湖北陳編修中龍年八十九，雲南沈詠、孫似者俱官知縣，年八十外。

國朝年少登第：順治丁亥王文靖熙年二十，乙未伊文端桑阿年十六，戊戌陳文貞廷敬年二十，康熙己未李丹壑孚青年十六，辛未黃崑圃叔琳年二十，庚辰史文靖年十九，壬辰舒大成年十八，辛丑勵少司寇宗萬年十七，雍正庚戌嵇文恭年二十。

乾隆朝年少登第：丁巳德定圃師年十九，己未蔣麟昌年十九，乙丑夢侍郎麟年十八，戊辰朱大司馬珪

年十八，壬申熊恩綏年二十，甲戌戈太僕源年十九，丁丑彭紹升年十八，辛巳秦中丞承恩年二十，丙戌祥布政肅年二十，甲辰蔣編修修鉅、文學士事俱年十九。

教官金榜掛名，且中狀元，明惟翁正春一人，稱盛事。乾隆辛巳王韓城藍田教諭，辛卯榜眼王增由臨安教諭，丁未狀元史致光由湯溪教諭，嘉慶丙辰榜眼汪守和由新喻教諭。

一省三鼎甲：順治丁亥呂官武進人，程芳朝桐城人，蔣超金壇人；戊戌孫承恩常熟人，孫一致鹽城人，吳國對全椒人；己亥徐元文崑山人，華亦祥無錫人，葉方鵠崑山人；康熙癸丑韓葵長洲人，王鴻緒婁縣人，徐秉義崑山人；己未歸允肅常熟人，孫卓、茆薦馨俱宣城人；己丑趙熊詔武進人，戴名世桐城人，繆沅泰州人；雍正庚戌周霽錢塘人，沈昌宇秀水人，梁詩正錢塘人；乾隆庚戌石韞玉吳縣人，洪亮吉陽湖人，王宗誠青陽人。

順治己丑新進士卽用道府二十餘人，分發兩廣，止此一科，後不爲例。

解元狀元：康熙甲戌胡任與辛酉解元；乾隆辛未吳鴻丁卯解元；辛丑會狀錢榮己亥解元。康熙初，解元中進士無不入翰林者，今不盡然。

大宗伯德定圖師，乾隆癸未、己丑、庚子、辛丑、甲辰，五典會試；韓城王中堂乾隆乙未、戊戌、丁未、己酉、庚戌，五典會試；前此惟孝感熊文端公賜履康熙癸丑、甲戌、丁丑、庚辰、癸未，五典會試。少宗伯介師乾隆辛未、甲戌、丁丑、庚辰，四典會試；諸城劉文正公統勳乾隆辛未、丁丑、辛巳、辛卯，四典會試；高陽李文勤公肅順治戊戌、康熙甲辰、丙辰，三典會試；澤州陳文貞公廷

康熙壬戌、辛未、癸未，三典會試；桐城張文和公廷玉雍正癸卯、甲辰、乾隆丁巳，三典會試；溧陽史文靖公貽直雍正甲辰、丁未、乾隆乙丑，三典會試。

池北偶談：漢閣臣康熙朝江南宋、徐、張、李、張五人後，太倉王公後，華亭王文恭公預齡；山西沁州吳公□□後，澤州陳文貞公廷敬；福建則安溪李文貞公光地；四川遂寧張文端公鵬翮，直隸各省無續拜者。雍正朝江南三人：桐城張文和公廷玉在位二十餘年，常熟蔣文肅公廷錫，無錫嵇文敏公曾筠；浙江海寧陳文簡公元龍；江西高安朱文端公軾；山西田文端公從典。乾隆朝江南溧陽史文靖公貽直，常熟蔣文恪公溥，武進劉文定公綸，金壇于文襄公敏中，武進程文恭公景伊，無錫嵇文恭公璘；浙江錢塘徐文穆公本，海寧陳文勤公世倌，錢塘梁文莊公詩正，會稽梁文定公國治，仁和孫公士毅；山東泰安趙公國麟，諸城劉文正公統勳；廣西臨桂陳文恭公宏謀；福建漳浦蔡公新；陝西韓城王公杰；浙江富陽董公誥。

尹文端公四督兩江，甲申四月八日七十生辰，拜相，仍督兩江。袁子才汝爲公門生，呈詩云：紫禁城頭駐玉車，官闈深處女兒家。萬釘寶帶天邊賜，十部笙歌宅裏譁。北面公侯爭把盞，東床帝子替簪花。休誇與佛同生日，轉恐光榮佛尚差。又：韋平兩世黃扉業，伊呂三朝白髮身。兒童竹馬頭成雪，官舍甘棠樹拂天。新築沙隄迎使節，剛調梅雨到江村。文端紀恩十絕，其三云：舊沙隄上築新沙，如此光榮有幾家。說與兒孫須努力，兩朝父子領黃麻。

杭州王弼山正功，出入省闈二十年，每人直，輒搜考檔案，勒成一書，名中書典故彙紀。其目有六：

曰官制，曰職掌，曰儀式，曰恩遇，曰建置，曰題名，而以雜錄終焉。杭世駿作序。阮吾山司寇葵生留心掌故，恆以在閣未久，未及徧閱檔案爲憾。

汪厚石孟銷久困公車，壬午召試中書。初到內閣口號云：陳人久歎積薪餘，乍許清班學步趨。獵獵西風敝裘帽，東華門外喚車驅。靜聽閣老馬蹄聲，侍讀諸公白事迎。我自田間來幾日，慎教輕易

上階行。六科書吏立如麻，齊下三單卅點加。掃筆紛紛忙注本，日輪眼急下東華。遇啟鑒、封印日，則三日本齊下。

乾清門側檔初交，匣硯看人喚打包。枯坐今朝拚守晚，領歸諭摺件傳抄。每人領上諭奏摺日，直中例派一人，候夜直交代，爲守晚。

御門聞道特除官，硃筆題名敬奉觀。別有改簽更式樣，傳宣票擬細尋端。御筆親書爲硃簽，特旨改標爲改簽。輪班辰入退

過申，來是空言兩隸人。莫怪此間無灑掃，禁城清絕不生塵。典籍廳任事八首云：六年歷俸八年資，

又向西廳坐褥移。一轉成仙人共笑，遑迴不去待何時。寂寞茶房淡泊廚，喧然吏役日高初。各堂上

任誇誰似，一飽猪羊祭庫餘。典籍到任，例以猪羊祭庫。畫行事細粗能曉，點卯人多猝未詳。夜直若非連兩夜，軍

機須去面中堂。供事、皂隸、紙匠、蘇喇、朔望日赴廳。漢典籍無圍直，夜直連兩日。印單印簿縫鈴存，啟鑰開箱畫繼昏。始識相公多攝

事，十纔一二本衙門。中堂有兼管上諭處、國史館、三通館、俄羅館、行部院衙門文俱用廳印，以印單爲憑。掌印幫班等樣官，平明滿漢一廳攢。考勤

簿子親書押，要送兼廳侍讀看。滿漢典籍各二缺，餘皆別堂兼理者。滿侍讀學士、侍讀兼廳，則爲廳官之長。北廳章奏南廳案，大庫文書小庫銀。

承發散班齊了事，瓣香酌酒祭科神。廳供事南北各十四人。五月十三日酬錢事科神，云是蕭曹也。寶箱例引赴乾清，肅駕年年典據徵。

接送預行交泰殿，奉盈一念警宵興。辦禮香寶，交泰殿二十五寶之一。寫出，內閣學士、辦事銜名不自由，背典籍各一員，赴乾清官請寶，駕旋送寶，亦如之。

推踵接此勾留。莫將五日輕京兆，尚許咎人喚皂頭。吏部選例，中書帶辦事銜者，題管典籍，撰文則否。丙戌進士，官吏部，未幾卒。

蔣若生士銓，甲戌考取中書，夜直詩：朝衣墨漬帶酸寒，誰喚仙郎上界官。海內封章留硯北，天邊綸綍在臺端。晝持襪被花同宿，人散黃扉月自看。那似鳴機圖畫裏，小窗燈火坐團圓。的是一人獨直情事。

徐中丞士林，康熙癸巳進士，初官中書時有句云：歸來惹得山妻問，侍女薰香近有無。後由部郎歷官江蘇巡撫，方正最著，沒祀賢良。官蘇臬對云：看階前草綠苔青，無非生意；聽牆外鵲啼雀噪，恐有冤魂。仁人之言，歷久未沫。

內閣大堂西槐樹，會試年鵲結一巢，則中書得鼎甲一人。乙未結數巢，則狀元吳錫齡、榜眼汪鏞、探花沈清藻、會元嚴福皆中書。吳、沈次年卒，嚴官亦未顯，今惟汪編修存。中書會試必有中者，乙卯止中一人，丙辰無之。

吏部、翰林院、禮部、國子監土地，俱祀韓昌黎，未知所自。趙甌北翼人翰林，詩以解嘲云：瀛洲署中坎社鼓，社公傳是韓吏部。建置本末無可徵，筆記不知意何取。從來名賢歿爲神，各視生平所建豎。或班侍郎居碧落，或冊真人位紫府，或選閭羅分殿十，或封遮須列爵五。鬼官司命周顓除，太陽都錄魏徵補。白傅已列蓬萊仙，曼卿更拜芙蓉主。況公日星河嶽氣，立朝大節炳千古。絕脉能開道學先，餘事亦號文章祖。抗疏幾碎佛氏骨，從祀不慚宣聖廡。豈宜爵作土地神，坐使淮陰噲爲

伍。屈宋詎稱衙官職，樂卻翻充皂隸戶。生前磨蝎坐命宮，曾謫嶺南蛟鰐浦。庸知身後尚蹭蹬，無端又遭左遷侮。鄉先生可祭於社，此土初非公故土。卽云立社爲樂公，公未久修史館簿。區區冷官一臠肉，豈足爲公增華廕。我來展謁聊解嘲，且勿牢騷煩人俣。幸未改塑浮屠像，潮州有公像，作浮屠形，郭青螺易以儒服依然端章甫。香火祠雖處末僚，翰墨緣仍近藝圃。猶勝杜陵老拾遺，變作十姨呼阿姥。杜拾

遺廟，訛作杜十姨，塑女像，見夢花洲閒錄。

史文靖公康熙庚辰年十九，館選後歸娶，繪玉堂歸娶圖，徵詩。袁子才枚亦己未館選歸娶，題文靖圖云：愧作彭宣拜後堂，絕無衣鉢繼安昌。算來只有歸迎事，曾學黃梁夢一場。吾湖丁巳沈庶常雲翥亦翰林歸娶，未幾歿於京邸，袁賦輓詩，而鄉人有不能舉其姓氏者矣。

乾隆七年編檢侍班，始掛朝珠。商寶意盤詩云：一現牟尼五色重，陸離婉轉正當胸。欲宣梵唄酬君德，百八珠隨百八鐘。螭坳鶴立兩班瞻，中憲俄驚秩驟添。從此披香案前吏，果然仙佛一身兼。想是時四品方掛，五品尚不得云。

劉文定公以武進廩生，丙辰二十六歲，擢博學宏詞第一，廷試五六天地之中合賦，諸徵士不解所出，公獨揮翰如飛。張文和公故睨公卷，對衆朗吟，始共得題解。詩題山雞舞鏡，有句云：似擬投林方戢戢，可能對語便關關。一時傳誦。時沈歸愚宗伯同試未第，俯首曰：吾輩頭顱如許，乃不如白面後生，得不愧死。

武進莊本淳學士培因，少負才華，不作第二人想。乾隆乙丑，令兄方耕少宗伯存與以第二人及第，學士賦詩調之，落句云：他年令弟魁天下，始信人間有宋祁。果中甲戌狀元。館課夏雲多奇峯，有天際落芙蓉句，頗自矜詡，未幾卒。此與蔣蒨溪、龔昌羊燈無焰三更碧句，同一詩識。甲戌會榜，莊中第三名，第一胡紹鼎，第二朱葵元。莊爲彭芝庭尚書增，尚書笑謂曰：君當作狀元，不見榜頭書鼎元莊耶？一時語慧，遂成佳識。二則見炙硯瑣談。同年湯緯堂輯。

阮吾山少司寇襄生，與秦通政荻江清同保臺諫，同日補授。二公皆壬申鄉舉，秦問阮曰：君南榜名第幾？阮曰：五十三。秦訝然曰：予列陝榜亦五十三名，已而果然。又，通政胞兄浩生中癸酉五十二名，硃卷讀之，皆五十三名，戲謂予亦欲中五十三名，已而果然。又，戲謂遲弟一歲，高弟一名。荻江曰：高弟一名，畢竟遲弟一歲。

宜興陳其年維崧，年四十餘尚爲諸生，有日者謂曰：君過五十必入翰林。梅杓司蓀贈詩：朝來日者橋邊過，爲許功名似馬周。己未果以鴻博授檢討，年五十六。

名士晚達：康熙丁丑姜西溟宸英七十三中探花；癸未王樓邨式丹五十九會狀；宮恕堂鴻歷五十八、查他山慎行五十四、己丑何端簡世璉五十八、壬辰胡文良熙五十八、乙未裘璉七十二、辛丑陸坡星奎勳五十九，俱入翰林；乾隆丙辰劉超振八十歲授檢討；己未沈歸愚尚書六十七入翰林；癸丑吳貽詠五十八歲中會元，入翰林；嘉慶丙辰元和王巖八十六歲中式，尚未殿試。

高江村士奇，錢塘諸生，年十九，貧，至京師賣文自給。新正爲人書春帖子，自作聯句，偶爲聖祖